

S. Caesarius frater Gregorii Nazianzeni, seu quisquis est auctor vetustus dialogorum in T. VI. Bibl. Gallandi, propositum habet demonstrare, verbis Dei veritatis infallibilis simplicem semper adhibendam esse fidem; etiamsi enim verba aliquando non convenientia rei secundum unum statum consideratae, semper tamen convenientia ei secundum statum alium. Exemplum huius simplicis fidei christianorum inducit inter cetera ex Eucharistia. Duo autem dicit ac supponit velut notissima christianis: a) etiamsi id quod in altari ponitur, sensibus nostris videatur plane diversum a corpore et sanguine Domini, fide tamen credimus, esse proprius corpus et sanguinem Iesu Christi; hinc etiam b) credimus, corpus Christi manens in se integrum, omnibus fidelibus absque sectione aut diminutione distribui.

« Videmus sanctum illum panem hodie in ara incruenta tempore divini et mystici officii, in impolluta propositum mensa, non tamen similem imagini salutiferi corporis Dei et Verbi, neque item immisto (έγκενραμενῳ) ipsius sanguini (videmus similem) una cum pane propositum calicem vini, non membrorum articulatae distinctioni, non carneae et sanguineae qualitati, non invisibili et invisibiliter unitae, formae experti divinitati.... Illud vero (quantum sensibus apparet) rotundum est, non articulatum, inanimatum, exsangue, immobile, neutri simile, non ei qui visibilis est, et divinitate invisibilis. Credimus nihilominus divino sermoni, et quidem non simile aut aequale sed proprie et vere ipsum esse divinum corpus, quod in divina mensa sacrificatur, et populo prorsus sine sui divisione distribuitur et sine sui deficientia (a singulis) participatur (1). Neque enim sol deficit lucem ministrando indigentibus, nec mare per salinas participatum minuitur vastitate, nec ignis obscuratur aut minuitur millenas accendens faces... nec aer item imminuitur respiratione omnium animantium » Galland. Bibl. T. VI. p. 127.

S. Epiphanius locum habet huic descripto Caesarii similimum. « Videmus salvatorem ipsum panem in manus acce-

(1) Πιστευομεν δε όμως τη θεηγοριζ, και δυχ ώς όμοιον ή ίσον ἀλλα κυριως και ἀραροτως ἀντο ύπαρχειν το θειον σωμα, το ἐπι της θειας τραπεζης ιερουργουμενον, και τω θιασω παντη ἀτμητως διαιρουμενον, και ἀληκτως μετεχουμενον.

pissem, ut in Evangelio legitur, quod a coena surgens haec accepit et gratias agens dixit: hoc est meum hoc (1). At videmus aequale illud non esse nec simile, non susceptae carnis imagini, non invisibili divinitati, non membrorum lineamentis; istud enim rotundum est, et quod ad vim adtinet, sensus expers, et tamen ex gratia pronuntiare voluit: hoc est meum hoc; et nemo non credit sermoni, nam qui verum esse non credit, ita ut dixit, excidit a gratia et salute » Epiphan. in Ancorat. n. 57. T. II. p. 60.

S. Cyrillus Hierosolymitanus institutionem neophytorum habet de Eucharistia catech. XXII. (Mystagogica IV.), et de sacra liturgia catech. XXIII. (mystag. V.). Capita praecipua quae docet neophytes, sunt haec. a) Verba Salvatoris: hoc est corpus meum, hic est sanguis meus, sola sufficient ad instructionem fidei; ea enim simpliciter et sensu suo obvio intelligenda sunt. « Cum igitur ipse revelaverit et dixerit de pane illo: hoc meum est corpus, quis audebit adhuc ambigere? et cum ipse asseveraverit et dixerit: hic meus est sanguis, quis unquam dubitaverit, aiens, non esse eius sanguinem? » Cat. IV. n. 1. Itaque b) non est amplius panis et vinum, non est putandum esse id, quod sensibus videtur esse, sed fide credendum est, sub imagine panis et vini esse id, quod Christus dixit, scilicet corpus eius et sanguinem. « Ne igitur velut simplici pani et vino adtendas; corpus enim et sanguis Christi est secundum Domini asseverationem. Nam etiamsi tibi illud sensus exhibeat, attamen fides te certum reddat. Ne iudices rem ex gustu, sed ex fide indubitanter certus esto, te corpore et sanguine Christi dignatum fuisse » n. 6. In conclusione totius catecheseos repetit: « haec edoctus et plena imbutus fide, quod qui videtur panis, panis non est etiamsi gustu ita sentiatur, sed corpus Christi; et quod videtur vinum, vinum non est, etiamsi gustus hoc velit, sed sanguis Christi... confirma cor tuum » n. 9. (2). Iterum « ne pa-

(1) Τοδε μου ἔστι τοδε. Patet, locutionem esse adtemperatam discipline arcani (cf. de Sacram. in gen. th. XIX.).

(2) Ὁτι ὁ φανομενος ἄρτος οὐκ ἄρτος ἔστιν, εἰ καὶ τῇ γευσει ἀισθητος ἀλλα σωμα Χριστου. και ὁ φανομενος ὄνος οὐκ ὄνος ἔστιν, εἰ καὶ η γευσις τουτο βουλεται, ἀλλα ἀιμα Χριστου.

*lato corporeo permittatis iudicium, nequaquam! sed fidei omnis dubitationis experti; qui enim gustant, non panem et vinum gustare iubentur, sed antitypum corpus et sanguinem (1) Christi » (corpus et sanguinem Christi significatum per typum seu signum apparentis panis et vini) Cat. V. n. 30. Insuper c) docet Cyrillus, *virtute Spiritus Sancti panem et vinum transmutari in corpus et sanguinem Christi*. In liturgia postquam nos ipsos per spirituales laudes sanctificavimus, « Deum benignum exoramus, inquit, ut emittat Sanctum Spiritum super proposita (dona) ut faciat panem quidem corpus Christi, vinum vero sanguinem Christi (2) Omnino enim quodcumque adtigerit Spiritus Sanctus, id sanctificatum et transmutatum est (τούτο ἡγιασται καὶ μεταβεβληται) Cat. V. n. 7. Denique d) confirmat fidem in transubstantiationem appellando ad conversionem aquae in vinum; adeoque ipsum Christi corpus et sanguinem sub speciebus panis et vini in corpore nostro nos suscipere, eique manducatione nos intime uniri credendum esse. « Aquam olim in vinum, quod sanguini affine est, in Cana Galileae transmutavit, et non erit dignus cui credamus, quem vinum in sanguinem transmutavit? Ad nuptias corporales vocatus, stupendum hoc miraculum patravit, et non eum multo magis filii thalami nuptialis (Ecclesiae) corpus suum et sanguinem fruendum donasse confitebimur? Quare cum plena fidei persuasione sumamus ut corpus et sanguinem Christi. In figura (τυπῳ)*

(1) Species panis et vini Cyrillus Cat. VI. n. 3. appellavit typum corporis et sanguinis Christi, unde prae speciebus corpus antitypum et sanguis antitypus diei potest. Aliquando species dicuntur a Patribus ἀντίτυπα του σωματος και του αἵματος, ubi ἀντίτυπα idem significant quod τύπος. Sed de his infra uberiori.

(2) Est haec consueta in omnibus fere orientalibus liturgiis invocatio. Verba consecratoria in descriptione liturgiae Cyrillus non distinete ponit. Ex qua re aliqui absurdissime intulerunt, ea verba alicubi in liturgia deesse potuisse; at Cyrillus comprehendit verba consecratoria sub nomine generaliori exortationis seu invocationis Spiritus Sancti, quia integrum ἄναγκας seu canonem considerat ut unum totum, et quia disciplina arcani suadebat sacratissima illa verba potius supprimere in catechesi in vulgus edenda et ideo forte ventura in manus non inititorum. Cf. de Sacram. in gen. th. XIX. et supra th. VII. n. II.

enim panis datur tibi corpus, et in figura vini datur tibi sanguis, ut sumpto corpore et sanguine Christi, ei con corporalis (cf. vulgatam Eph. III. 6.) et consanguineus officiaris (συστομος και συναιμος άυτου). Sic enim Christiferi efficiimur, corpore eius et sanguine in nostra membra distributo, sic iuxta b. Petrum divinae reddimur consortes naturae » Cat. IV. n. 2. 3.

S. Ioannes Chrysostomus multis in locis, secundum omnia eadem capita ut Cyrillus, rationem propriam Eucharistiae describit, idque non demonstrans in modum, sed velut agens de re omnibus comperta.

a) Docet ipsum reale et substantiale corpus Christi, quod in incarnatione Verbum assumpsit, nobis uniri in Eucharistia. « Discere oportet miraculum mysteriorum, quid sint, quare data sint, et quae rei utilitas. Unum corpus efficiimur, membra ex carne eius et ex ossibus eius. Initianti attendant his quae dicuntur. Ut ergo non solum per dilectionem sed etiam secundum rem ipsam (κατ' αὐτο το πράγμα) cum illa carne commisceamur; hoc enim fit per cibum, quem ipse donavit: volens nobis ostendere amorem quo fertur erga nos, propterea se nobis commiscuit et nobis corpus suum (per manducationem) inseruit, ut unum aliquid simus sicut corpus iunctum capiti... Amorem suum erga nos ostendens, non solum videndum se exhibuit nobis desiderantibus sed et tangendum et comedendum, et ut eius carnem dentibus teramus, et ei intime uniamur, et desiderium omne expleamus. Ut leones ergo ignem spirantes a mensa illa recedamus diabolo terribiles... Parentes saepe liberos suos aliis tradunt nutriendos; ego vero non ita, inquit, sed carnis meis nutrio, me ipsum vobis appono... Communicavi carni et sanguini propter vos (in incarnatione), rursum vobis eandem carnem et sanguinem trado, per quae congregaveris factum sum » in Io. hom. 45. al. 46. n. 3. cf. hom. sequentem 46. al. 47.

b) Declarat, quomodo Apostoli verba institutionis sine ulteriori explicatione intelligere potuerint ac debuerint ex iis quae iam antea Io. VI. promiserat Dominus de carne sua manducanda; simulque cum aliis Patribus insistit, non sensibus et rationibus naturalibus esse fidendum; sed sim-

plici fide secundum verba veritatis credendum, eundem Christum substantiali suo corpore et sanguine nobis uniri in sacramento, qui olim in specie propria visibilis versabatur in terris. « Solvit (Christus) principalem eorum festivitatem (pascha veteris testamenti), ad aliam eos transferens mensam valde tremendam (φρικωδεστατην) aitque: accipite, comedite, hoc est corpus meum, quod pro vobis frangitur. Et quomodo non turbati sunt hoc audientes? Quia multa et magna de hoc etiam antea ipsis dixerat (cf. Io. VI.). Ideo illud non amplius declarat, iam enim satis audiverant. Et ipsemet ex eo bilit; ne enim haec audientes dicerent: quid ergo, sanguinem ne bibemus et carnem manducabimus? et ne turbarentur, nam etiam quando de hac re verba fecit, de ipsis verbis multi offensi sunt; ne itaque tunc turbarentur, primus ipse hoc fecit, inducens ipsis ad communionem mysteriorum sine turbatione suscipiendam. Ideo ergo suum et ipse sanguinem bilit... Deo igitur ubique credamus, nec contradicamus, etiamsi quod dicit, rationibus et sensibus nostris contrarium videatur, sed praevaleat eius verbum nostris rationibus et sensibus. Sic etiam in mysteriis (Eucharistia) faciamus, non solum quae sub sensu cadunt respicientes, sed verba eius tenuentes. Verbum quippe eius infallibile est, sensus vero noster facile decipitur, verbum eius numquam excidit, sensus noster in multis fallitur. Cum ergo sermo (divinus) dicat: hoc est corpus meum, obtemperemus et credamus et spiritualibus oculis ipsum respiciamus. Nihil enim sensibus percipiendum Christus nobis tradidit, sed in rebus quidem sensibilibus, omnia vero intelligibilia (πάντα δε νοντα mente ac fide intelligenda)... Quam multi nunc dicunt: vellem eius formam videre, lineamenta, vestes, calceamenta! Ecce ipsum vides, ipsum tangis, ipsum comedis. Tu vestimenta eius videre desideras, ipse vero se ipsum tibi dat non modo videndum sed et tangendum et comedendum et intus sumendum... Neque satis habuit hominem fieri, alapis caedi et occidi, sed se ipsum nobis commiscet, idque non fide tantum, sed etiam in re ipsa nos corpus suum facit. Qua ergo puritate non oporteat eum esse, qui hoc fruitur sacrificio, quibus radiis solaribus non purioremanum, quae

hanc carnem secat, os repletum igne spirituali, linguam tintet tremendo sanguine (την γλωτσαν την φοιγισσουμενην αιματι φρικωδεστατω)?... Quod angeli tremunt videntes nec sine metu respicere audent propter fulgorem inde manantem, hoc nos alimur, huic commiscemur, et facti sumus Christi unum corpus, una caro... Quis pastor propriis suis membris nutrit oves? et quid dico pastor? matres saepe sunt, quae post partus dolores tradunt infantes aliis nutribus. Ipse autem hoc non est passus, sed ipse nos nutrit proprio sanguine, et per omnia nos sibi ipsi coniungit. » Hom. 82. al. 83. in Matth. n. 1. 4. 5.

c) Speciatim docet, *corpus quod manibus tenemus, quod manducamus in Eucharistia, esse illud ipsum, quod crucifixum est, et nunc in coelis sedet ad dexteram Patris.* « Quotquot corpus participamus, quotquot hunc sanguinem degustamus, cogitate, quod participatione sumimus illum qui nihil differt, nihil distat ab eo (de quo antea dixit passum et crucifixum esse), quoniam illum qui in supernis sedet, qui ab angelis adoratur, qui sedet penes incorruptam virtutem, hunc manducamus. » Hom. 3. in Ephes. n. 3. et de Sacerdot. l. III. n. 4. (T. I. p. 382.). Ideoque est unum numero corpus in multis locis et idem semper, quod dum quotidie sacrificatur et manducatur, numquam consumitur, quod ipsum s. Andream praedicantem audivimus. Illud Heb. IX. 25: « Christus semel oblatus est, » ita explicat Chrysostomus. « Quid igitur, an non nos quotidie offerimus? offerimus quidem sed memoriam facientes mortis illius, et unum est sacrificium non multa. Eundem enim semper offerimus non nunc unam ovem, cras aliam sed semper eandem; adeoque unum est sacrificium. Etenim hac ratione, quando multis in locis offertur, numquid multis sunt Christi? Nullatenus profecto, sed unus ubique Christus, et totus hic et totus illic, unum corpus. Sicut ergo multis in locis oblatus unum est corpus, et non multa corpora, ita et unum sacrificium. Pontifex noster ille est, qui tunc obtulit hostiam nos emundantem; illam nunc quoque offerimus, quae tunc fuit oblata, et consumi non potest. » Hom. 17. in Heb. num. 3.

d) Declarat modum, quo fiat realis haec praesentia. Per

verba ipsius Christi instituta ad perennem efficaciam *panis et vinum transmutatur in corpus et sanguinem eius.* « Tempus demum est ad tremendam hanc mensam accendi.... Adest Christus is qui hanc mensam instituit, ut ipsem nunc eam paret. Non enim homo est, qui facit *ut proposita fiant corpus et sanguis Christi*, sed ipse Christus qui pro nobis crucifixus est. Demandatum ministerium impletus stat sacerdos verba illa proferens, virtus autem et gratia est Dei. *Hoc est corpus meum, ait. Hoc verbum transmutat* ($\mu\varepsilon\tau\alpha\phi\beta\eta\theta\mu.\zeta\epsilon\iota$) *proposita.* Et sicut vox illa, quae dicit: crescere et multiplicamini et replete terram, semel quidem dicta est, sed per omne tempus fit in re ipsa, humanae naturae tribuens vim generandi; *ita et haec vox semel dicta, ab illo tempore usque ad hodiernum diem et usque ad adventum eius (secundum) per singulas mensas in Ecclesiis operatur victimam consummatam* » ($\tau\eta\eta\vartheta\sigma\tau\alpha\gamma\alpha\zeta\epsilon\tau\alpha\iota$). De prodit. Iudee hom. I. n. 6. (T. II. p. 584.).

e) Constituitur autem hac transmutatione per virtutem Spiritus Sancti Christus super altari *in statu victimae*, et proinde per hanc eandem transmutationem *panis et vini in Christum victimam*, ipse immolatur vero ac proprio oblatus sacrificio. « Cum igitur eum, qui cruci affixus est, etiam nos sub hanc vesperam visuri simus ut Agnum mactatum et immolatum, moneo, ut cum tremore accedamus... An nescitis, quomodo angeli adstiterint sepulchro corpus non amplius habenti, sepulchro vacuo?.... nos qui non ad sepulchrum vacuum adstituti sumus sed ad ipsam mensam, in qua Agnus positus est, cum tumultu accedamus?... Quando sacerdos stat ante mensam manus ad coelum extendens et invocans Spiritum Sanctum ut adveniat et proposita dona contingat: magna quies, magnum silentium; quando Spiritus tribuit gratiam, quando descendit, quando dona proposita contingit, quando vides ovem mactatam et consummatam (1): tunc tumultum excitas? » Hom. de coemeter. n. 3. (T. II. p. 401.) Cf. de Sacerdotio I. III. n. 4.

(1) Οταν ιδης το προβατον εσφαγισμενον και απηρτισμενον.

His iuvat addere testimonium ad doctrinam de reali praesentia et (mea quidem opinione) etiam de transubstantiatione prorsus insigne ex hom. IX. de Poenit. inter Opp. s. Chrysostomi T. II. p. 350. (1). « Numquid si sordes in tuis manibus haberet, auderes contingere fimbriam regis terreni? Non certe auderes. *Nec respicias, quasi panis es set, nec censeas vinum esse.* Non enim ut alii cibi in secessum vadit (2). Absit, noli id cogitare. Sed sicut cera igni admota (ut in cereis) nihil suae substantiae reliquum facit, nihil ex ea remanet; ita et hic crede mysteria consummari corporis substantia. Propterea etiam accedentes ne censematis, divinum corpus vos ab homine accipere (3), sed putate ab ipsis Seraphim ignita forcepe, quam Isaias vidit (Is. VI.), vos accipere corpus divinum; et quasi labiis divino impolluto lateri admotis sic suscipiamus sulutarem sanguinem. »

Ubi ait, mysteria consummari corporis substantia, id intelligi debere non de substantia corporis fidelium, ut plures interpretati sunt, sed de substantia corporis Christi, demonstrat contextus. Nam mysteria consummans corpus comparatur igni ceram consumenti, quae sane comparatio corpori Christi non nostro congruit. Insuper illatio illa, propter ea, quae immediate praecesserunt, censendum esse, nos divinum corpus, non humana sed angelica de manu accipere, optime quidem cohaeret cum eo, quod in mysteriis nulla alia manet substantia quam substantia per se invisiibilis et intangibilis corporis Christi; sed nullus intelligitur nexus, si in antecedentibus dictum supponitur, mysteria

(1) Harduin diss. de Eucharistia in epistolam ad Caesar. p. 79. et Mabillon. De controv. Eucharisticie. (Thesaur. Zachariae T. X. p. 886) tribuant homiliam Ioanni Hierosolymitano successori s. Cyrilli anno 385.

(2) His similes modi loquendi poterant sane occasionem praebere controversiae postmodum exortae quantumvis absurdae, utrum Christi corpus in Eucharistia corruptibile sit an incorruptibile. Acriter de hac disputatum Constantinopoli sub Alexio Comneno exeunte saec. XII. Vide Histor. Nicetae Choniatae in Alexio I. III. n. 3. ed. Paris 1647. p. 333. Cf. si libet Mabillon. in Thesaur. Zachariae T. X. P. II. opusc. XIII. §. 5.

(3) Άλλ' ωσπερ κηρος πυρι προσομιλησας ουδεν απουσιαζει, ουδεν περισσευει, ουτω και ωδε νομιζε συναναλισκεσθαι τα μυστηρια τη του σωματος ουσια, διο και προσερχομενοι μη ως έξ ανθρωπου νομισητε μεταλαμβανειν του θειου σωματος κ. λ.

consumi et nescio quomodo (forte digestione specierum, ne haeresis tribuatur auctori homiliae) *absumi corpore nostro*. Rursum quod in immediate sequentibus sermo est de *corpore divino*, facile quidem *corpus consummans* simpliciter dictum intelligitur de eo corpore, de quo agere orationis scopus est; cui autem quaeso in mentem venire potest repentinus orationis delapsus ad *corpus suscipientium*, de quo in toto contextu nullum uspiam appetit vestigium? Quod deinde haec sententia *consummationis mysteriorum per substantiam corporis* videtur inducta, ut probetur, hunc cibum non abire in secessum, nostrae interpretationi non solum non obest, sed eam maxime iuvat. Nam quod in secessum non vadit, auctor primo demonstravit ex eo, *quod non est panis et vinum*; tum hoc ipsum erat declarandum, quomodo non remaneat panis et vinum; ad hanc vero declarationem evidenter spectat comparatio, in qua cera confertur pani, ignis substantiae corporis Christi. Sicut cerae igni admotae substantia nulla manet sed solus ignis (non physica sed vulgari consideratione res spectetur in termino comparationis), ita in mysteriis nulla manet alia substantia quam sola substantia corporis; id enim optime hoc ipso demonstratur, quod nulla ibi remanet substantia panis. Sensus itaque planus est, in Eucharistia non manere substantiam panis, sed substantiam ibi esse solam corporis Christi; hoc quippe sibi volunt illa verba, mysteria consummari corporis substantia (*συναναλισκεσθαι τα μυστηρια τη του σωματος ουσια*) (1), non autem componi pane et cor-

(1) Ἀναλισκειν significat tum impendere, expendere tum consumere. Sed hoc loco ista *consumptio* vel *impensio* nullo modo potest esse *destructio*; mysteria non possunt nec a quoquam christiano tam aperte affirmante realem praesentiam corporis Christi, ut a nostro auctore fit, poterant dici *destrui per substantiam corporis* sive Christi sive fidelium suscipientium, siquidem mysteria sunt *ipsum corpus Christi praesens in sacramento*. Corpore ergo Christi non destruuntur sed *constituantur mysteria*; ut autem dixerit auctor: sicut ignis totam substantiam cerae destruit, ita substantia corporis suscipientium destruit mysteria, hunc inquam sensum tum ipsa rei absurditas tum totus contextus excludit. Mysteria itaque *consumi substantia corporis* hic necessario significat (quantum equidem intelligo): *mysteria nihil sunt aliud* (nulla alia substantia) quam *substantia corporis*, *consummantur tota per substantiam*.

pore Christi. Cf. Card. Du Perron Refutat. obiect. ex s. August. c. 14.

S. *Cyrillus Alexandrinus* non minus frequenter habet testimonia disertissima de ipso Dei Verbi corpore in Eucharistia. Potissimum solet insistere his duobus capitibus. a) *Caro Christi est caro Verbi Dei et ideo caro vivifica*; unde quia hanc carnem in Eucharistia manducamus, per eam instauramur ad immortalitatem. b) *Non spiritu tantummodo, sed cum ipso corpore Christi in Eucharistia intime coniungimur*; hinc quia unum numero Christi corpus est in omnibus suscipientibus, omnes corporaliter cum Christo capite et inter se coniunguntur.

“ Paulus dicit: omnes enim unum corpus sumus in Christo, quoniam unus panis multi sumus; omnes enim de uno pane participamus. 1. Cor. X. 17. Dicat enim nobis aliquis causam, et doceat aliter vim mysticae Eulogiae (Eucharistiae). Nam cur in nobis inseritur? Nonne *ut Christum in nobis inhabitare faciat etiam corporaliter participatione et communione sanctae sue carnis?*... Qui manducat meam carnem, inquit, et bibit meum sanguinem, in me manet et ego in illo. Hic maxime animadvertere operae pretium est, *Christum non dicere se dumtaxat in nobis futurum secundum relationem aliquam affectualem; sed et per participationem physicam* (κατα πεθεξι φυσικην). Ut enim si quis ceram alteri cerae coniungens igne simul liquefecerit, unum aliquid ex ambabus efficit; *ita per corporis Christi et pretiosi sanguinis participationem ipse quidem in nobis, non autem rursus in ipso simul unimur*. Nec enim aliter vivificari potest, quod natura sua est corruptibile, quam si corporaliter unitum sit corpori eius, qui secundum naturam suam est vita, *hoc est Unigeniti...* (1). Postquam facta est caro vitae, hoc est Verbi quod ex Deo Patre effulgit, ad vitae vim transiit, nec fieri potest, ut a morte vita vinceretur.” In Io. l. X.T. IV. p. 862. 863. Lege in Io. l. IV. ibid. p. 358–360; contr. Nestor. l. IV. c. 5. T. VI. p. 109–113; et Defens. anathematismi XI. contr. oriental. ibid. p. 192. sq.

corporis. Hoc sensu locum intellexerunt Card. Bellarminus de Euchar. l. III. c. 20. et distinctiori declaratione Card. Du Perron l. c.

(1) Confer superius descripta ex Gregorio Nysseno.